

875-13.7.9-


THE UNIVERSITY OF CHICAGO
LIBRARY

1957



UNIVERSITY OF CHICAGO

1957



DE DEI LOCVTIONE
MARCI ANTONII NATTAE
ASTENSIS
ORATIO.



IN ACADEMIA VENETA,
M. D. LVIII.

THE MILLION

OF THE

OF THE

OF THE



1867

1867

1867

1867

1867

1867

1867

1867

1867

1867

1867

1867

1867

1867

1867

1867


1867

1867

1867

1867

1867



MARCI ANTONII

NATTAE ASTENSIS

DE DEI LOCUTIONE,

ad Ioannem Baptistam Nattam
fratrem, oratio.



MEMINISSE potes, Baptista frater, cum nobis, in robore adhuc ætatis existentibus, flagrant bella; nec inter arma & gladios militum esset iuris scientiæ locus, cui ab adolescentia nos addixeramus; & inde ego plus ocii nactus essem; me ad alias ingenuas disciplinas transtulisse, in primisq; uersari solitum in ueterum oratorum libris, quos nobis aut Roma olim tulit, aut doctæ Athenæ dederunt; adeoq; me eorum studia complexum, ut illorum exemplo quædam scriptitarem; nec tamen ea mihi proferenda, sed occultanda putarem. ueruntamen, dum absum à patria eorundem bellorum causa, quæ omnia conculcauerant; accidit, ut ad amicorum quorundam meorum notitiam perueniret, me non nulla habere scripta, nec ea edere: idq; meum illi consilium improbarunt, impuleruntq; ut ederem quædam: quæ cum uideant non displicuisse, urgent nunc iidem uehementius ad reliquorum editionem. interrogant me, num legerim illud Ciceronis in Academicis, intemperantis esse, & ocio abutentis, scribere, quæ occultare uelis. Num etiam meminerim illius Evangelici serui, qui iram commouit aduersus se Do-

B mini

mini, propterea quòd talentum sibi creditum ef-
 fodisset, & nihil ex eo lucri Dominicis thesauris
 intulisset? Quidam ex his, acutior ceteris, Solo-
 mon, inquit, in prouerbis asseuerat, quòd, qui
 abscondit frumentum, maledicetur in populo.
 Putas ne Solomonem, uirum sapientem, de fru-
 mento tantum id dixisse, & non sub frumenti no-
 mine de doctrina censuisse? quæ multo melior, &
 præstantior in populo est alimonia. hanc esse cen-
 set non occultandam, ne sequatur maledictio. Ita
 illi mecum: quibus quid contradixerim, & qui-
 bus rationibus nixus sim eorum assertionem de-
 moliri, longum esset referre. cum illi nihilo mi-
 nus in sententia permanerent, uisum est, humani-
 tatis esse, in re propria alienum potius subsequi
 iudicium, quàm suum. cessimus igitur, &, quod
 olim iuuenes lusimus, nunc senes emittimus. ete-
 nim ad noua cudenda nec ocium suppetit in tanto
 iurisdictionis munere; nec onus patitur instantis
 senectutis. Proximis mensibus dialogum quen-
 dam de oratione ad Deum in uulgus dedimus: in
 quo satis, ut opinor, explicatum diligenter, quid
 ea sit oratio, & qualis esse debeat, & an continuo
 impetret petita, & cuius demum sit roboris. Ve-
 rum, quoniam non homines tantum ad Deum,
 sed conuersa quoque ratione ad homines loqui-
 tur Deus; faciendum mihi putauì, ut hac quoque
 de re sententiam meam, seu uerius antiquorum
 Patrum notam facerem. nam de ea pariter olim
 oratiunculam compegeram. Enimuero, si tan-
 tum tribuitur locutioni humanæ; cur hanc al-
 teram negligamus, ut non maiore etiam cura &
 diligentia tractetur? si quidem nihil ea nobilius
 est.

est. nam si sermonis robur, utilitatem, ueritatem expendimus ex dignitate, & sapientia loquentis: manifestum iam, quanto interuallo humanam diuina antecedit locutio. Differt etiam plurimum utriusque cognitio, & tractatio. nam hæc paucis nota, & à paucioribus tractata, subtiliter etiam explicanda uenit: illa uero omnium notitiæ exposita est; & in eius explicatione populari sermone agendum; & de ea plures tradiderunt. Quamobrem ad hæc intentiore opus fuerit animo. quam ita dicuntur à me omnia, ut quiuis mediocriter eruditus ea percipere, & imbibere possit. Volo autem intelligi me de hac tantum locutione Dei loqui, quæ in tempore quodam fit ad homines, non de ea, qua interius secum loquitur Deus æterno illo suo uerbo, quod genuit, & quod idem & unum est cum generante. illo enim uerbo nunquam incepit loqui, nec desinit, sed eo & se ipsum, & præterita omnia, & præsentia, & futura absidue dicit. Nos tantam altitudinem nunc scandere non cogitamus. de hac tantum locutione agimus: qua ille uel hominibus præcipit, aut uetat quædam, uel eosdem admonet, instruit, docet, erudit, terret, solatur: quibusq; id fieri contingat rationibus, (si sinat ipse, uel faueat potius) dicere aggrediemur. Mitto autem ad te, suauissime frater, pro meo fraterno in te amore; & simul ut tuo in his, quæ extraordinaria quodam modo facultate confecimus, perfruar iudicio. noui enim, quàm integre, incorrupteq; soleas iudicare. Ut autem ueniam ad Orationem; propone tibi animo aut me, aut alium potius eruditum quendam uirum, rogatum à pluribus, ut, postquam Boni-

facius monachus de locutione hominum ad Deum locutus esset, ipse uicissim de locutione Dei ad homines diceret: illum pollicitum: mox, ubi condicta dies aduentarit, uenisse in templum sanctissimæ Dei genitricis Mariæ, quod penes nos est maximum & amplissimum: ille, suggestu conscenso, in magno eruditorum uirorum confesso, huiusmodi orationem habuisse.

VETERES sapientiæ sectatores, quibus, naturalia indagare, curæ fuit, dum hominis naturam inuestigarent, duo quædam illic inesse perspexerunt, animum uidelicet, & corpus: sed, quid eorum esset homo, quærendum putauerunt. Vtrum igitur animus solus est homo, ex eo, quod corpus regat? sicuti uir, & equus, licet duo sint quædam, tamen uir solus insidens equo eques dicitur, quod equo regendo sit accommodatus. An contra, corpus solum sit homo? nam licet animus pretiosior sit corpore, tamen continetur corpore: & id, quod continet, spectandum: sicut annulo inclusa gemma cedit annulo; & utrumque annulus nuncupatur: & ignis in lucerna cedit lucernæ; & utrumque lucerna uocatur: nec refert, quod gemma annulo, ignis lucerna sit melior. An potius, nec animus solus, nec corpus solum sit homo, sed utrumque simul: sicut centaurus, qui constat ex bifor-
mi figura, nec aliter centaurus esse potest: & eodem modo camelopardalis, & Triton: & duos equos simul iunctos bigas dicimus; disunctus uero alter ab altero hac appellatione carebit. Horum trium, quæ præposita sunt, hoc ultimum uerius

rius illi putauerunt, ut homo nec animus solus, nec solum corpus sit, sed utrumque simul: atque ita ex his duabus partibus hominem constare dixerunt. Vtriusque autem partis bona quædam esse posuerunt, quibus homo recte utens suo fungeretur munere. nam ualetudo, uires, pulchritudo bona sunt in toto corpore, & in partibus eius singulorum sensuum integritas, & in membris non nullis præstans quædam uis, uelut in pedibus celeritas, robur in lacertis, claritas in uoce, in lingua explanata locutio. At in animo bona alia à naturâ sunt, alia à moribus. nam uelocitas in discendo, firmitas in reminiscendo, facilitas in inueniendo, naturâ contingunt beneficio, à moribus proficiuntur uirtutes, tam quæ ad agendum sunt, quàm quæ ad contemplandum: ueluti prudentia, iustitia, fides, pietas, religio, temperantia, fortitudo, & si qua sunt eiusmodi. ipsi autem mores tum exercitationis assiduitate comparantur, tum adhibita ratione formantur. Et de animi quidem, & corporis bonis, hæc dicebantur: inter quæ tamen plurimum interesse arbitrabantur: esse enim hæc corporis uilia, angusta, humilia, caduca, fluxa, fragilia: contra, illa animi, magna, præclara, sublimia, immortalia, sempiterna, ea præsertim, quæ cum uirtutis usu adiuncta sunt: nam eminent ea ceteris, & longe lateq; resurgent: nec mirum, quod alia sint, quæ sequuntur corpus; & alia, quæ animum: & quod dissimilia sint; quoniam hanc diuersitatem facit corporis & animi natura longe inter se distans: quorum duorum homo alterum habet cum pecudibus, alterum cum diis commune. Hæc cū olim dixissent ueteres sapientes, uidebantur

bantur sibi, quod attineret, de hominis natura dixisse. Nostræ uero religionis antistites cum hæc eadem sentirent, quia, ita se rem habere, intelligebant, attamen non solum unum hominem in duas partes diduxerunt, sicut illi, sed, diuersa ratione, ex uno geminum quandoque effecerunt, cum unum exteriorem hominem, alium interiorem ponerent, hoc animum, alio corpus significantes. non enim hominem esse rebantur ueluti simulacrum quoddam mortali effectum manu; quod cum obuiis lineamentis forinsecus oblectet, interius lutum est, uellignum, aut rude marmor, nihil habet intus spirans, & uiuum, quod externis respondeat membris. At in nobis eadem fere introitus recepta forma, quam propalam exhibemus, tantum interest inter humanum, ac diuinum figmentum. nam cum animus aduenit ad intelligentiam oblata rei, tunc, ueluti quibusdam oculis utens, cernere dicitur: cum, tenacius retinet, ueluti quibusdam manibus apprehendit: uariis huc illuc concitatus affectibus, pedibus quadam modo peragrat: uerba effundit, cum meditatur, & cogitat: infans est etiam interior noster homo, cum opere parum in diuinis mandatis profecit; at ubi multum, tum floridus, & robustus iuuenta. Exterioris hominis formam dilabi assidue, & corrumpi, & ipsa deflorescere uetustate, interioris contra renouari indies, & reuirescere, testantur. Habetis, quæ de homine ueteres philosophi dixerunt, & quæ illis nostri addendum putauerunt. sed quod philosophi dixerunt, facilius cognitu: quod nostri addiderunt, difficilius. itaque istud statim inuentum, hoc posterius. Non reperi ueterum

rum aliquem philosophorum interioris hominis meminisse, præter unum Plotinum, inter Platonicos illustrem. is semel aut iterum interioris & exterioris hominis meminit eo sensu, quo nos accipimus. sed potuit hoc ille à Christianis accepisse, quorum floruit temporibus, & à quibus non alienus fuisse uidetur. Ego uero horum, etsi sæpe, nunquam tamen libentius memini, quam hoc tempore, quo uobis ingentem curam infedisse uideo interiorem hominem uestrum reficiendi pabulo doctrinæ, quæ diuina sit tota, atque celestis. Fœdum, ut opinor, & turpe uidebatur, externum hunc corporis uentrem cibo, potuq; uili, ac sæpe noxiõ, onerare, illum autem internum animi uentrem contemnere, diuini pabuli fame tabescentem. itaque implere nunc quæritis, & saturare. Sed & illud me mouit, ut initio horum meminero, quia non parum pertinent ad dissolendum id, quod quæritur. Scire enim expetitis, quomodo Deus, incorporea præditus substantia, cum Patribus ueteris testamenti locutus esse dicatur. Hic ego tremerem animo, & uehementissime per turbarer, nisi quòd iam uideo hæc, quæ corporum sunt, ad hæc nostra incorporalia transferri non absurde, similitudine quadam efficiendi. sic pari ratione existimo, quod in scripturis sanctis loqui dicatur Deus, non ut assignetur illi corporeum aliquid, qui uacat omni penitus corpore, sed ut hac eius locutione aliquid significetur, quod illi competat naturæ: id quid sit, explanare conandum potius, quam de Deo indignum aliquid cogitandum. Etenim si cum poetis antiquis nobis res esset, qui humanis membris præditos

tos effingunt Deos, & quibus pro membrorum
 uſu haſtas aſſignant, faces, iacula, ſagittas: mi-
 nus mirandum eſſet, ſi tales dii interpeſſaſſe oris
 ſono uigilantes aliquos, aut dormientes diceren-
 tur. Sed faceſſant iſta à Chriſtiana religione.
 Nos unicum Deum colentes, eundem incorpo-
 reum fatemur. Illud, quod ſcriptura dicit, ho-
 minem à Deo factum ad imaginem & ſimilitudi-
 nem ſuam, nemo ſapiens intellexit unquam de
 corporali imagine, quæ in Deo non inuenitur.
 imago nanque Dei in homine eſt ratio, & intelle-
 ctus: quibus munitus, animalia cuncta, illorum
 expertia, ſuperat, eisq; dominatur. Quod ſi ho-
 mo non eſt Deo ſimilis, quantum ad corpus atti-
 net: non erit etiam Deus in eadem corporis ra-
 tione ſimilis homini: non habet dentes, linguam,
 labra, quibus humano more uerba effingat; non
 pulmonem, & arterias, & ſi qua cetera membra
 ſunt, quibus loquendi expletur officium; caret
 ceruice; iugulo, pectore, corde, pedibus, uentre,
 lacertis. ſimplex nanque eſt illa ſubſtantia, non co-
 agmentata, & compaginata membris, immo ne
 his quidem noſtris utens communibus affectibus,
 quos non ratio, ſed perturbatio gignit. Porro,
 illud intelligendum eſt, excelſo illi, & omnipoten-
 ti Deo curæ eſſe cuncta mortalia, ut ea regat, &
 moderetur, quorum formator extitit, & creator.
 hoc etiam fatentur ii, qui in Græcia philoſophari
 inſtituerunt, unam ſcilicet ſupremam eſſe cauſam;
 mundi, eorumq;, quæ in mundo ſunt, prouiden-
 tem. Nemo tam rudis eſt, tamq; efferatis mori-
 bus; qui oculos mentis circumferens, non intel-
 ligat ex ipſa rerum magnitudine, motu, diſpoſi-
 tione

tione, constantia, utilitate, pulchritudine, hæc
 admirabili Dei sapientia condita & instructa fuisse,
 & nunc singulari eiusdem prouidentia gubernari.
 Sæpe expedit hominibus, præmonstrari aliquid,
 ut occurratur prudentia exitio uenturo, uel
 ut aduētans calamitas peccatoris luctu gemituq;
 suspendatur. Sæpe, ad mores improbos coercen-
 dos, uel corrigendos, opus fuerit nouo aliquo in-
 stituto. Alia aliis temporibus, & locis expedi-
 unt, quæ indicare mortalibus debet Deus. nā, ni-
 faciat, nec iam prouisor orbis, nec moderator di-
 cetur. Ergo ubi indicat aliquid hominibus uentu-
 rum, loqui tunc dicitur: indicat autem non lin-
 gua, qua caret, sed spiritu, qui sermonis illi uicem
 exhibet. nam per hunc diuina innotescit uolun-
 tas, sicut fit inter homines per sermonem. nam
 sermo inter mortales index est consiliorum, tes-
 tis mentis, cordis nuncius. indicat, nullo uerbo-
 rum strepitu, aut sono, homini, quid uelit, Deus,
 sed sacro demisso spiritu. nulla tunc *ærea* spacia
 syllabarum aut dictionum formulis uerberantur:
 sed pulsatur interius humana mens diuino afflatu.
 hoc ubi fit, utrum tacuisse Deum tunc dicemus,
 an locutum? nam illud primum, per silentium
 quidquam indicatum, humanæ respuant aures, al-
 terum pergrate agnoscunt. Nonne etiam is lo-
 quitur, qui, ut alius loquatur, facit? Sic enim in-
 quit Christus discipulis: Non uos loquimini, sed
 spiritus Patris uestri, qui in uobis est. Et in Leuiti-
 co Deus ad Mosē excusantē se, ne mitteretur ad
 Pharaonem, quoniam impeditioris esset & tar-
 dioris linguæ; Ego, inquit, ero in ore tuo, doce-
 boq; quid loquaris. Et ex persona eiusdem dici-

se, alienæ linguæ usum præconio. Amplius aliquid dicam. Omnis ueritas, à quocunque prædicata, (neminem excipio non sacrilegum, non hæreticum, non prædonem) affluit à Deo, quo suggerente prædicatur. nam suggerente opus est: & nemo alius, præter hunc, suggerere potest. Summatim autem ut rem cõplectar, ubicunque Deus ui eius occulta excitat hominis mentē, ut aliquid dicat, uel gerat, hunc Deus fertur alloqui. At poterat scriptura, remoto hoc loquendi uocabulo, dicere, quod Deus hoc uel illud indicauit homini, uel significauit: poterat quidem: sed nullum peccatum est scripturæ, immo magna laus, si, quo expressius, & efficacius ostenderet, quid fieret, dicat, quod alloquitur Deus hominem, dum illum afflat tantummodo. obscuritas nempe quædā obijci uidetur humanis sensibus, dum aliquid non sermone, sed indicio, aut signo dicitur demonstratum. Ut autem ostenderetur, illud certo demonstratum à Deo: propterea Deo ad hominem loquente factum id, uel dictum perhibetur: quasi tam claro, & euidenti signo diuina innotuerit uoluntas, æque ac si humano sermone illud fuisset prolatum. Ea enim, quæ incorporea sunt, melius percipiuntur ab homine corporeis undique obuallato sensibus, & qui intra corpora assidue uersatur, si similitudine quapiam corporaliū rerum no tentur. Quod si alicubi id faciendum, id maxime fieri in diuinis decet, nam humana facultas de Deo, quem inspectabilem nouit, & incorporeum, nec dicere commode, nec cogitare potest, nisi ad ima illum deducat; ut, quem in propriis non agnoscit, in alienis, id est suis, sibi co-

gnitis, quoquo modo teneat. Est præterea illud scripturæ consilium, quo nobis familiarius insinuet Deum, uti circa illū nostro habitu, nostrisq; affectibus. Si enim altissime loqueretur de Deo; timeret inerudita mens eò ingredi, sicut pauper timet ingrediens ad locupletem; nec esset sancta scriptura omnibus peruia, & penetrabilis. quotus enim quisque intelligeret? nunc hac humili dicendi facultate omnibus patet, omnes tenet, pascit, oblectat, tanquam hortulus quidam. nam etsi de magnis loquitur, ea tamen parvis significat. Hinc non solum linguam, & os sonans ascribit Deo, sed reliqua quoque membra. At non ob hoc intelligendus corporeus Deus, non magis, quam interior ille noster homo, de quo initio loquebar, intelligitur corpus habere. tametsi illi exterioris hominis facies addicatur. sed, ut tunc ad ostendendum ea, quæ intus in animo geruntur, transferimus illuc similitudine quadam externa membra: sic eodem simulacro divinæ effingimus uirtutes. Ego Deum caput habere dico: quid, ego dico, imo scriptura dicit? sed nullum ossibus compactū caput affigit Deo, uerum illius potentiam capitis uerbo signauit, pectus Dei & cor appellat, quo modo? quia nequit aliis uocabulis, quæ sensus magis feriant, consilium Dei, uoluntatemq; enunciare. Postulamus à Deo, ut nobis ostendat faciem suam, si nos uult esse saluos: postulamus quidem, & ita esse postulandum scriptura admonet, sed quā faciem habet Deus, qui caret sanguine, pelle, neruis? est ne ea alicubi? minime: sed faciei nomine significata est cognitio, nostro sane more, id est humano; quoniam cognitionem præbēt sui, quicunque

tunque inspicere faciem suam permittunt. Poterat dici Deo : da mihi cognitionem tui . nemo reprehenderet, immo laudarent omnes . attamen ad humanas sensus propius , & gratius dictum est , ut faciem suam ostendat . Dexteram eius protegi petimus, quum auxilium imploratur : sic uidere, sic audire dicitur ; quoniam communibus sensibus , hominibusq; familiaribus exprimendum fuit , Deum habere cognita omnia , & percepta . Illud quoque animaduerto , quod scriptura cælum , mare , aridam uocat opus manuum Dei , uel digitorum eius ; atque ita loquitur de Deo , ut de fabro , qui opus ipsum multo labore dolare , complanare , tornare , delineare , componere solet ; quum tamen , Deum uerbo cuncta creasse , eadẽ scriptura testetur . sed , ut enixius ostenderetur ars Dei fabricatoria, opus ipsum , uerbo conditum , ad manus , & digitos Dei transfert . nostrum est , ubi talia audimus , membra remouere de Deo , efficientiam membrorum relinquere ; qua non orbatur Deus , qui membra illa formauit , ceterisq; donauit . huic autem tendit scriptura , huiusmodi ludens uocalibus corporeis circa Deum ; ut humanos animos afficiat uehementius . homo enim , dum in corpore habitat , id est donec homo est , utitur ad intelligendum corporis instrumento . itaque libenter amplectitur simulacra corporea ; quibus inde ueluti gradibus innixa mens , tollit se ad excipiendum ea , quæ mente tantum , & ratione capiuntur . Quum autem nihil sublimius sit Deo , nihil difficilius ad intelligendum ; multo magis ad eum gradus prostrernere oportebat , quibus humana mens leuius , & facilius eò scanderet . Non habet ille hu-
mana

mana membra. perspicuum est id quidem: quid ta-
men prohibet humano describere habitu eū, qui
supra uires, cogitationesq; nostras ascendit? ut,
quo modo fieri possit, à nobis comprehendatur.
An derideri merecer, si tellurem iustissimam, &
frigus sceleratum uocarem: quorum utrūque po-
suit summus ille poeta noster: qui ut aptius quali-
tatem rerum indicaret, animorum affectus inani-
mis corporibus inscripsit. hinc ab eodem poeta
illud manauit:

Et pontem indignatus Araxes.

Quid est hoc? de flumine loquitur, & indignatum
dicit super pontis impositione. num flumina etiā
indignari solent? non opinor. nam flumina nihil
aliud sunt, quā congeries aquarū fluentium, nul-
lo sensu præditarum. cur igitur poeta flumini indi-
gnationem dedit? quia uisum est nouitatē rei, &
magnitudinē non potuisse significantius exprimi
pluribus uerbis, quā uno illo indignationis affe-
ctu, qui flumini tribueretur. Dicimus telū manu
fugisse, quod per imprudentiam emissum fuit. hic
rei inanimæ ascribitur fuga; quod is motus factus
sit præter mētem eius, qui iaculatus est; quemad-
modum fuga sit seruorum, insciis, uel inuitis po-
tius dominis. propria uerba non deerant: placuit
tamen magis uti translato; quod clarius rem osten-
dere uidebatur; & quia iucunda est similitudo re-
rum corporalium, quæ id, de quo agitur, oculis
pene subiicit: quo uno sensu animus maxime per-
mouetur. Multis quoque aliis in rebus, ac pene
infinitis utimur translatis uocabulis, ueluti cum
dicimus, Cæsarem fulsisse rebus gestis, & Catili-
nam armatum fuisse audacia, & fractos Mauro-
rum

rum animos Italis armis; & eum, cui in tuto res est, dicimus in portu nauigare. quòd si communis sermo recipit has dicendi figuras, tanquam ualde luminosas: cur unam scripturam sanctam credimus orbatam esse huiusmodi translationum luminibus, quibus humana loquela maxime gaudet? illa uero has translationes non modo non refugit, sed etiam sectatur. hominum enim causa confecta, eo more loquitur, quo humanos animos maxime impelli putat. Exempla plura sup-
peditant: unum aut alterum ponam, sumptum de lamentatione Ieremiæ prophetae, quam flebilibus implet numeris. illic enim sic loquitur, præ-
nuncians Hierosolymæ euerfionem. *Vix Sion lugent;* eo quòd non sint, qui ueniant ad solemnitatem. Videtis, quàm pulchre, & decore uis luctum as-
scripsit, cum solitudinem, quæ uentura illuc fue-
rat, indicare molitur. Nec multo post as-
sumens propheta ciuitatis personam, *Vindemiauit me, inquit. Dominus in die furoris sui.* Nemo hic tam sensu hebes inuenietur, qui non intelli-
gat, quàm speciosa similitudine propheta abla-
tionem fructuum, & ornamentorum omnium;
uindemiam nuncupauerit. id, cum hac similitudi-
ne dictum, excipitur gratus, quàm si cum simplici
sententia elatum fuisset. mens etenim, familia-
rium rerum imagine concepta, magis suscitatur,
&, tanquam in pictura rem ipsam cernat, magis
amplectitur: deinde, quia festiuus id exponitur,
diutius etiam retinet. Idem propheta eodem o-
pere inuitans contemplatione futurarum mise-
riarum Hierosolymam ad lacrymas. *Deduc qua-
si torrentem lacrymas per diem ac noctem, nec*
des

nonnulli prudentissimi uiri induxerunt eos, quos Græce *απολόγους* latine fabulas nuncupamus: in quibus & inanima fere omnia & irrationabilia animalia faciunt loquentia & ratiocinantia, affectibusq; humanis utentia, quod sibi hac ratione auditorum animos facilius ad se ducere arbitrabantur: quo fabulandi genere non solum poetas ueteres Homerum, Hesiodum, Archilochum, sed magnos quoque postmodum oratores usos accepimus. Menenius quidem Agrippa (ut alios præteream) plebem Romanam dissidentem à patribus flexit ad concordiam notissima fabula de membris humanis aduersus uentrem pugnantibus. Herodotus quoque auctor est Cyrum illum magnam Persarum Regem quædam Ionum Aëolumq; legatis per apologum respondisse, quem etiam retulit. Sunt, qui Aesopum Phrygium harum fabellarum auctorem ferant: qui tamen earum non auctor, sed illustrator fuit. nam neminem eo scientius, & frequentius usum constat, harum nonnullas Aristoteles narrat in rhetoricis; Horatius suo intexuit carmini: enim uero lego illud apud hunc:

Olim quod uulpes agroto cautaleoni

Respondit, Referam.

Et reliqua, idem aliam fabellam de mure urbano & rustico mutuo se hospitio excipientibus plurimis prosecutus est uersibus. Eiusdem de ceruo, & equo inuicem praeliantibus extat carmē. Quod si sermo ascribitur brutis, quæ omnis sermonis, omnisq; intelligentiæ sunt expertia, sed ascribitur tamen, ut præcepta quædam uitæ firmitus & iucundius humanis auribus excipiantur: quanto

D iustius

iustius sermonis usu^s transfertur ad Deum, quando patefacit ipse homini, quid ferat sempiterna eius sapientia, & uoluntas? non enim, ut in beluis totum, quicquid de eis profertur, fingitur; sic de Deo. nā ueraciter illa uult, de quibus locutus fuisse perhibetur. Cur autē locutus fuisse perhibetur, nisi ut ostendatur manifestationem tunc factam diuinæ uoluntatis? quæ etsi sermone non sit facta, sed alio modo: is modus sermo dici potest, cum sermonis exhibeat uicem. idq; facilius dici & æquioribus auribus accipi potest, quàm cū bestias aliquas colloquia inter se miscuisse fingimus. Omnia incorporea (dicendum est sæpius) melius capiuntur. si effigie aliqua corporaliū rerū notentur. Si scriptura diceret, nutu quicquam mandasse Deum, leue id haberetur, si pulsu quodam interno, id uix intelligeretur. At ubi loquens ipse Deus quidquam dicitur iussisse, tunc pulsatur acrius humana mens id audiens, quia ducitur per ea, quibus assueuit, & representans sibi Deum ad hominem uerba facientem existimat illud magnæ curæ fuisse Deo, qui usque eo descenderit, ut homini loqueretur: non enim frigide & titubanter quicquam uult Deus, sicut plerunque homo solet, sed non nisi firmiter & uehementer: non enim falli ueretur. hanc eius enixam uoluntatem scriptura locutionis nomine signauit. Nam ubi seruus loquitur ad seruum, herus imperat, uerba eius audiui, id faciendum est nobis, maius tunc imperium illud & irretractabile uidetur: Sin autem dicat ille se coniecturis & signis colligere Domini uoluntatem, res forsitan in contemptum deduceretur. Quid porrò mirandum

dum est loqui illum , cui etiam perturbationes nostris cōsimiles ascribuntur ? Iratus describitur ac furens . Quis id ferat , nisi prudenter intelligat hac atrocitate uerborum , quam homines norunt , impendere pro peccatis diuinam ultionem & correptionis flagellum ? nam & Iudices aliquando ipsos iratos fuisse dicimus in reos ob atrociam maleficia , quamuis uideamus ipsos sine ullo animi motu sententiam capitis in eos dicere & supplicia more maiorū sumere . Ex aduerso misericors dicitur esse Deus , sed num recte ? nā misericordia dicta est ex eo quod miserum cor faciat , attamen passim misericors uocatur à nobis Deus , dum facilitatem eius tribuendi egentibus & indulgēdi peccantibus notamus , qui dum eo munere fungitur , quomodo miserum cor habet , qui ne cor quidem habeat ? attamen quia ita ille tribuit , ac si commotus esset corde , alienæ miserie conspectu , utimur uerbo , quo similem eum facimus perturbato , ~~nam si hominem etiam uidero indigentiam~~ subleuantem pauperis pecunia oblata , misericordia hunc usum dicam , etiam si imperturbato animo id fecerit . at potuit clementiam dicere , fateor , sed placuit magis misericordiæ uerbum , quo indicatur tanta animi propensione illud fecisse , ac si de aliena miseria miserū sibi ipsi cor fecisset . Pœnitere se quodam scripturæ loco dicit quod fecerit hominem , ut ostenderetur aliquid futurum , quod antea non erat , similitudine sumpta ab homine , qui pœnitētia ductus mutat , quod fecerat . hæc mutatio rerum pœnitentiæ nomine significatur in Deo , neque ubi pœnitere se dicit , arguit se uarietatis & inconstantiæ , sed nos ipsos

ingratiitudinis: est enim immobilis illa natura cui etiam pennas dedimus, alitemq; Deum fecimus, dicente ad illum Propheta. Sub umbra alarum tuarum protege me: hæc enim & alia sacræ literæ non propriis, sed translatis uocabulis de Deo notauerunt, & balbutiunt nobiscum illæ de tanta maiestate uerba facientes, sicut patres cum puerulis solent, nam eorum more balbutiendum est, ut ab illis intelligantur. An non balbutire tibi uidentur? cum in mundi fabrica describitur, quod cum cælum, lucem, solem, terram, aquam, uolucres, animantia creasset Deus sex diebus, subiicitur sub unoquoque die, quod uidit Deus bona esse, quæ creasset, quasi antea nō uidisset, & scientia ulla noua accedere possit Deo. sed uidetur illic Deus affectus sumere humanis similes, ut eodem moueat in hominibus, ad quos fit sermo, nam fabricat illic mundum tanquam speculante homine. Video, inquit Deus, bona esse hæc, quæ creauit primo die. idem repetit secundo, tertio, & deinceps reliquis diebus. his ille uerbis pulsât quodammodo hominis pectus, & quasi ad eum loquitur, quid tu homuncule, qui me specularis hæc facientem? nonne mecum uides hæc esse bona singula, quæ creauit? Sic humillima quæque scriptura impingit Deo, & de illo (ut modo dicebam) balbutit, ut intelligatur balbutiem illam esse nostram, id est propter nos factam, ut incendamur, & cogitatione ad meliora proficiamus. Cum Abraham extulisset iam gladium, & filium, sicut diuina uoce iussus fuerat, immolaret, prohibetur ab Angelo, & ad eum dicitur. Nunc cognoui quod times Deum. hæc uerba si referuntur

tur ad Deum, uidentur absurde prolata. quid enim? Deus non nouerat qualis in eum esset Abraham ex superioribus gestis? Quid præterea? nonne est hic ille Deus, qui hominum renes & uiscera rimatur, cuius notitiæ facta sunt omnia antequam fiant? sunt ista, ueruntamen ibi loquitur, ut unus multis, qui non exacte, nisi ex operibus nouit, & illo notitiæ nomine opera sibi nostra grata esse demonstrat. Et quamuis antea Abraham tale sui specimen dedisset, ut facile intelligi posset quāti faceret diuina iussa, attamen hoc loco Deus nunc se cognouisse dicit, attollens istud facinus, tãquam illa cum hoc collata nihil esse uideantur. Si quidem & uulgo homines de factis eximiis & superiora uincensibus illo more loqui consueuerunt. Veluti (exempli causa) si quispiam pluribus ab amico donatus muneribus; posthac splendidum accipiat munus ab eodem, quale nunquam antea, nonne merito dicet? Nunc demum *cognoui, quod ille me diligit*, non quo antea non cognouerit, sed quod declarare uelit excellentiam posterioris muneris, quasi illud fulgore suo anteriora omnia obscurarit. Sic locutus tunc est Deus: Est enim huiusmodi, ut non dedignetur mores nostros non improbos loquendo imitari. Clamor Sodomorum & Gomorrhæorum multiplicatus est, & peccatum eorum aggrauatum est nimis: descendam, & uidebo utrum clamorem, qui uenit ad me, opere compleuerint: sin autem, ut sciam: quis non intelligat hæc humano more dicta fuisse? non enim opinor, alicubi abest Deus, qui sui præsentia implet omnem locum, & quicquid est. Quid porro
ille

ille ignorat? Sed illo sermone ostendere cupit magnitudinem detestabilis criminis, suscipiens uicem patrisfamilias cuiuspiam, ad quem si deferatur filios aut alios quosdam honestos ciues perpetrare indies ingens aliquod scelus, dicat se non credere, nisi præsens ipse oculis uiderit: Parem sermonem sibi sumpsit Deus, & eodem exemplo sic loquitur, detegens immanitatem criminis. Vix possum credere tantum hoc scelus ab his uiris admissum aduersus ius fasque naturæ, quamuis crebris rumoribus ad me delatum. Descendam igitur, ut uideam quid rei sit: incredibile enim hoc crimen, nec aliter apud me fidem nisi ex conspectu habiturum: descendere se dicit, dum humana & hæc inferiora tractat: nam inleuitico quoque memorans se uidisse afflictionem populi sui in Aegypto, & clamorem eius audiuisse propter duritiem eorum, qui præerant operibus, & sciens (inquit) dolorem eius descendit, ut liberet eum de manibus Aegyptiorum. idem dum differt flagellare peccata, ignorare se ea dicit, sed deinceps quum flagellat, se demum ait intellexisse. res indicatur his similitudinibus & his figuris dicendi, quibus humanus maximè gaudet affectus, nam translata ratione uocabula iucundiora sunt, quam propria, simul & humana mens per sua & familiaria exempla deduci se ad summa illa & diuina libenter agnoscit, hæc locutio, quæ fit ad alterum, ita temperari debet, ut ingenium eius, cui aliquid suadetur requirit: Cum Deus ad Angelos loquitur, id est indicat quid uelit, id facit eo more, quo Angelicæ conuenit naturæ, cum autem ad homines loquitur, quorum prospicit salutem, rem inducit

cit eo modo, quo se humana mens tractari desiderat & facilius percipere possit: non enim semper in omnibus diuinitas supercilii, (ut ita loquar) seueri & tetrici, sed dimittit sapius se ad ima, & ita loquitur & perinde agit quasi quilibet popularis, habeatq; quod nos habemus, & fraterno cognatoq; nobiscum tangatur affectu. nam uidet, audit, ingreditur, deambulat, interrogat, responder, disputat, nouit, ignorat, obliuiscitur, recordatur, irascitur, placatur, uertit se, auertit. His ille & talibus imbecillitatis nostræ insignibus depictus est, ut per hæc nota & familiaria indicetur hominibus quicquid æterna & immutabilis rerum ratio, quæ penes illum est, pro tempore & loco uelit & agat. Non errauero etiam, si dixerò multa agere & dicere Deum humili more, ut nos instruat exemplo, & homines ad illos mores prouocet ueluti ostendit illud de peccatis Sodomorum & Gomorrhæorum, de quibus nuper agebatur, ad quæ dicit se descendere, ut uideat num uera sint, sicut clamor & fama ferebat. Admonetur Reges & alii Principes uiri, ne facile rumoribus & delatoribus credant, sed descendant ipsi aliquando ex sublimi illo folio, & inquirent, num quæ delata sunt ad eos crimina, ueritate nitantur: quemadmodum etiam dum peccasset Adam, & audisset uocem Domini deambulantis in Paradiso ad auram post meridiem, abscondissetq; se à facie domini in medio ligni paradisi: Vocauit Adam Deus, & dixit. Vbi es? hæc uocatio & omnis deinceps illa accusatio, & reorum responsio, non aliud profecto indicant, quam uocandos à sublimibus potestatibus criminum reos, audiendamque eorum defensionem: neminem

nem indicta causa damnandum. Si enim audire criminosos uoluit Deus, quid pro se dicerent, Deus inquam, quem nihil latet eorum, quæ gesta sunt & gerentur, quid hominibus faciendum est, quos multa ignorationis nubes obtegere solet? Erraret autem supine quicumque crederet informari à nobis Deū tanquam animal quoddā his humanis membris: quoniam non sunt ea membra, sed simulacra quædam, ut dixi, diuinarum uirtutum. quod ex eo etiam ostenditur, quia non dispensamus ea partibus, sed assignamus in uniuersum. Vis enim internoscendi quidquid geritur, per oculos denotata est, duos, ne aut plures? Itane uero hoc quæritur, quasi de animali quodam sermo habeatur? Totus est ille oculus, quia omnia intel- ligit: minus cernunt omnium mortalium oculi, quā unicuique ille, qui immensus est. Eodem modo de auribus. Totus est ille auris, ad quem non sermones modo nostri, sed etiam cogitata perueniunt. Totus est manus: sic enim fabricauit uniuersa, neque nunc ab opere singularium rerum cessat. Totus est pes, quia, tanquam ingrediatur pedibus & adueniat, adest undique. Totus lingua, quia per ea, quæ condidit, sapientiæ suæ & potentia significationem nobis assidue tradit, nec desinit unquam homines spiritu suo sacro compellare. Non possumus dicere in Deo horum quodlibet huc magis, quā illuc collocatum, imo ne aliud quidem ab alio differre dicemus, quia simplicissimus est ille & eadem uim mentis & potestate cuncta conficit, tractat, moderatur. Nobis autem opus est hac distinctione sermonis, quoniam simplicitatem illius naturæ, non modo explicare dicendo,

cendo, sed ne cogitando quidem percipere possumus, & eò decurritur necessitate quadam, ut illam per partes diuidamus nobis, atque frāgamus. itaque Deum aliud potenter egisse dicimus, aliud sapienter, aliud iuste, aliud misericorditer, cum tamen hæc omnia unum sint, et adco indiuisibilis sit ille, ut totus adsit omnibus rebus, & singulis totus. at infantiā nostra non reformidat huc illuc inducere uagantem, & nouum aliquid ei ascribere, quod tamen illi non est nouum, sed nobis, cum uidelicet alicubi se & uires suas magis aperit & ostēdit. Sed, quoniam longius euagati sumus; nam cum propositum fuisset de Dei loquela dicere, nescio quo modo consequentia rerum & ordo huc nos deduxit, ut de eiusdem simplicitate & magnitudine diceremus: cohibenda est oratio, & tanquam fræno reuocandus equus in suum stadium, ut metam iam iam se ostēdentem tangere possit. Etenim ad illud, quod quærebatur, quo modo Deus omni uacans corpore loquutus esse dicatur cum antiquis patribus, optime iam respōsum est, quòd dicitur Deus loquendi hoc obire munus, cum sacro eius afflatu pulsat interius hominum mentes, nullo extrinsecus accedente uerborum sono: & impellit, ut quippiam agant, uel loquantur. Illa enim interna diuinæ uoluntatis enunciatio facta ad hominem loquelæ nomen obtinuit: ostensumq; est, non in hac re modo, sed in pluribus quoque aliis hæc, quæ in hominū sunt consuetudine, ad Deum similitudine quadam trāslata, uel quia sic prolata magis mouerent, uel quia facilius intelligerentur, uel etiam, quia sic deceret. Venit nunc in mentem Socratis (tam etsi ineptum

fit forſitan philoſophica iſtis immiſcere, attamen nihil comparandi cauſa loquar, ſed ut hæc, quæ à nobis dicuntur, teſtimonio etiam confirmentur eorum, qui à religione noſtra alieni fuerunt) cum igitur diceret Socrates ſe audire uocem Dæmonis, quæ illi futuros actionum euentus ſignificaret, & in plerisque prædictionibus uerus apparuiſſet, inquirere cœperunt eius ſectatores, quidnam eſſet Dæmonis illa uox, quoue modo ab eo perciperetur. Variantibus opinionibus eruditiores in eam ſententiã diſceſſerunt, atque ita ſcriptum reliquerunt, uocem illam non fuiſſe articulatam ex nominibus & uerbis compositã, quæ ad Socratis aures perueniret, ſed iſtum quendam fuiſſe internum, non cæcum & obſcurum, ſed luminofum, quo pulſa Socratis mens ea in parte, unde illi notio ineſt, ſtatim perciperet poſteriores rerum euentus, qui demonſtrabantur. facilius nanque arbitrantur à mente in alteram mentem cognitionem rerum transferri poſſe, quàm uox in ipſas aures fundatur. Enim uero ſi loquatur aliquis ad alterum ex longinquo, tunc ualido & magno opus fuerit clamore, ut intelligatur, quod, ſi prope acceſſerit, mediocri opus erit uoce, ſi propinquiſſime factus in aurem uelit ſermonem fundere, tenui ſatis eſt ſuſurro. quod ſi animo ſuo poſſet adiungere ſe ad alterius animum, cumq; contingere, uel propius conſiſtere, manifeſtum quod non egeret uocis ſono, ſed ſermo eius intimus uoluntate conceptus ad alterum, nullo ſtrepitu uocis edito, perueniret, quæ ratione elapſi corporibus animi inuicem colloqui, & inter ſe uerſari dicuntur. Nos etiam dum
adhuc

adhuc manemus in corporibus, intelligimus leti tactu uel nutu loquētes. Sæpius etiam ex solo uultu aspectu cognoscimus iratum, dolentem, hilarum, aut qualibet alia animi perturbātione commotum. quanto magis humana mens, omnis intelligentiæ fons, ictu Angeli uel Dæmonis impulsu sentiet, quid is indicet, aut loquatur, uel quas cogitationes nobis suggerat, & ministret. Quid de Deo dicam? nonne magis hæc de illo accipienda; ut tunc uocem dicatur fundere, cum illapsus rapite hominum mentibus, eas illustrat claro quodam ad cognoscendum lumine, & effecit sacro illo appulsu, ut intelligant præsentia quædam, uel futura, quæ antea illos latebant. Hinc dicebat ille in psalmis. Audiam quid loquatur in me dominus Deus. quasi ostendere uelit, non exterius illud, sed interius locuturum. Ioannes quoque in reuelatione inducēs loquētem Deum. Ego sto ad ostium, & pulso: si quis audierit uocem meam, & aperuerit mihi ianuam, intrabo ad illum, & cenabo cum illo, & ipse mecum. Si quis (inquit) audierit uocem meam. Non cogit nos Deus, non putat maiestatis esse, seu bonitatis suæ, ui nobiscum agere. nouit nullam esse uirtutem, nisi uoluntate susceptam: ita enim ipse instituit. Et ut nulla supersit excusatio homini non patendi Deo, excitat sæpius desidiā & negligentiam nostram, & somnum excutere conatur: uenit sponte ad cordis ostium, pulsat, clamat quoque, nec uolenter irrupit, sed in manu nostra relinquit, an aperiāmus, & ei audientes dicto esse uelimus. Felices, atque iterum & sæpius felices, qui internam hanc Dei locutionem susceperunt, atque exau-

dierunt. nam cum istis uersatur Deus, & cum istis etiam epulari & conuiuia inire gaudet, sicut ipse facturum se pollicetur. Quid, si etiam uocali sermone dicam quādoque ad homines locutum Deum, quod multis locis sacrae literae innuere uidentur? credemus ne hoc fieri non posse, nisi fauces ac linguam assumat, atque his nostris membris consimilibus agat? Legimus in sacris uoluminibus uerbum Domini ad hunc uel illum prophetam factum. Legimus os Domini locutum, uel interrogatum, uel consultum, uel illud sic dixisse, uel sic respondisse: quæ omnia ostendunt, quod humano uteretur sermone. Quid igitur? fauces tunc & linguam assumebat ad loquendum, nec aliter loqui poterat? sed id dicere, hominis est parū considerati, diuinas uires ex humana facultate metientis. nam si uox nihil aliud est, quàm aer lingua percussus, potest aer ui diuina uel uoluntate ictus reddere uocalem sonitum, qui ad aures deferatur sanctorum, quem reliquorum auditus non admittat: hoc enim uno significatur uerbum de cælo factum, quando multis astantibus alii audiunt, alii, quorum impurae aures, mens prophana, sentire nequeant. Etenim sic cogitandum censeo, quod cum ab initio nihil esset in mundo, cum nec ipse quidē mundus esset, nulla subsistente materia, aut forma, cuncta uerbo Dei exorta certis locis formisq; distincta constiterunt. Nam ut uniuersam tam immensæ molis constructionem referre prætermittam, ac per species tantum quasdam rerum percurram; ille Solem radiis cinxit, quibus diem efficeret, & aureis stellarum globis opacæ noctis tenebras incendit, in quibus est argentea

gētea Luna, quæ Solis lumine modo aucta, modo defecta alternis temporibus uariatur, sed tum maxime conspicua, cum alienæ lucis munere fecundior pleno ore ardet. Eadem suprema potestas stagna, lacus, maria, flumina per uastos terrarum sinus diffudit, ipsamq; tellurem sua libratam grauitate in medio suspendit, stareq; insit eam, super qua reliqua animantia mouerentur. Hæc & alia plura, quæ ego, non adeo copiosus homo in dicendo, quàm diu uellem commemorare possem, cum incredibili arte, admirabili potentia, solo nutu procrearit, effinxerit, composuerit Deus, nullis humanis adiutus membris, sine machinis ullis, ac ferramentis, putabimus nunc eundem non posse ad hominem uoculam mittere, nisi labiorum motu utatur? ac, si ita putabimus, nõ indigni uidebimur, qui de tanto opifice quicquam dicamus, ac cogitemus? Sed num casu factum dicam, uel ratione quadam, quod nuper intulerim mentionem mundani opificii? nam hoc retulit memoriam quorundam perbene eruditorum, qui aiunt Deum secum loquutum, ubi uerbo cuncta creauit, & hunc statum rerum induxit, cetera omnia, quæ in ueteri lege habentur, Angelorum ministerio ad homines delata, quamuis sub persona Dei, cuius opus gerebatur, tractarentur. Videtur tum Deus, seu is, qui uicem Dei gerebat, ab initio orbis conditi specie quadam corporali assumpta ad homines sociali more locutus, humano utens sermone. sic locutus est cum primis parentibus, sic cum Noa, sic cum Abraham, sic cum Mose, sic cum pluribus aliis. plerunque nudæ tantum uoces (ut dixi) insonabant. Utitur etiam

etiam alio loquēdi more Deus, cum humanus animus, sensibus corporis uel somno sopitis, uel in uigilia desertis, per se tātum uiget, tunc uisa quædam ei obiiciuntur; quibus de Dei consilio & sententia commonetur. sed hæc extraordinaria quodam modo geruntur potestate. Illud peculiare Deo, occulta inspiratione præuenire & cōmouere hominum mētes, atque ira nobiscum fabulari. At non solum hoc modo loquitur nobiscum, sed per literas quoque, quas per Mosē, & prophetas, & Apostolos protulit. Ille hæc nobis monumenta reliquit, ut amorem erga ipsum nostrum hac quoque literarum imagine detineret, & ne quando obliuionem mandatorum & per eum gestorum causari possemus. Dicitur etiam figurate loqui Deus ubi factis nonnullis admirabilibus aliquid aliud ostendit, ueluti cum Ionas proiectus de naui in mare à Ceto absorptus est, & in eius uētre triduum commoratus, deinde effusus incolumis in litore, &, ut quidam pōeta uetus dixit, Depositedum, non præda fuit. Hoc facto præsignificauit Deus, quod eius unigenitus de cruce detractus, & sepulcro conditus totidem diebus maneret in uisceribus terræ, & illinc deinceps uiuus exurgeret, tanquam in custodiam & non in prædam sepulcro traditus fuisset. Similiter Ioseph uenditus à fratribus triginta argenteis prænotauit Christum uēditum pari pretio à discipulo. Hæc est figurata Dei locutio, quæ non uerbis, sed factis exprimitur. ea plurimum elucet in gestis, quæ utriusque Testamenti paginis continentur. Non tamen est omnium hanc locutionem percipere, sed paucorum quorundam, quos spiritus sacer afflauit: rem autem

tem gestam intelligere quemadmodum litera sonat, cuiuslibet est. Addunt quidam aliam duriorē Dei loquelam, quam ex scripturis iidem eliciunt, ubi diro aduersus delicta nostra insonat flagello, tunc iræ & furoris plenus peccatoribus loquitur Deus, manu scilicet, non uoce. uam in lamentatione Hieremiæ deslens exitium Hierosolymæ legimus. Facti sunt hostes eius in capite, inimici locupletati sunt, quia Dominus loquutus est super eam propter multitudinem iniquitatum eius. Et ibidem paulo post ex persona eiusdem ciuitatis. O uos omnes, qui transitis per uiam, attendite, & uidete, si est dolor similis, sicut dolor meus. Quoniam uindemiauit me, ut loquutus est Dominus in die iræ furoris sui. Et in psalmo nono legitur quoque. Increpasti gétes: & periit impius: non men eorum delesti in æternum & in sæculum sæculi. Infelicissima sane hæc tempora, aduersus quæ diuina ultio tam acerbe infrenduit, perditum sumus bellis, prosternimur morbis, annonæ penuria uexamur, hæc tam misera patrum ætas, & quæ paulo ante præcesserunt sæcula, melioribus (ut opinor) decursa moribus, uidere nō meruerunt. Hoc ferreū sane quoddā locutionis est genus, quo nobiscum utitur Deus, quanquam & cum peccantibus illa etiā mitiore utatur loquela, de qua modo elocuti sumus. Peccatori nanque dixit Deus, quare enarras iustitias meas, ut ille inquit in psalmo. Sic ad Balaam magnū locutus dicitur, eiq; præcepisse, ut Israelitico populo benedictionem pro maledictione inferret, sed et cum Satana quoque in his, quæ circa Iob gesta sunt, sermonē habuit, quemadmodum liber eius nomine inscriptus ostendit.

Effudi

Effudi iam plurima (nam omnia, nec scio, nec possum) quæ etsi altitudine quæstionis, & eruditibus auribus dignissima iudico, uereor tamen iam pridem, ne à doctis & intelligentibus loquacitatis stultitiæq; condemner, quoniam apud ceteras gentes à fide dissonas res ista fortassis aliquam habere posset disputationem, nullam apud nostros. quid enim mirandum humanis, quondam membris definitum Deum, quem nos mortali carne circumdatum cuncta hominis munia expleisse profite-mur? descendere ad homines dicitur Deus, perambulare terram, colloqui, monere, præcepta dare. hæc quippe ueteri lege continentur, sed nonne hoc uere extitisse proditum est nobis Euangelica lectione? Extiterunt uetera illa præludia nouorum, & ueritatis umbram talibus lineamentis depictam priora sæcula tenuerunt. Nihil illis literis, quas Spiritus sanctus conflauit, temere effusum, omnia ad sacrationis cuiusdam arcani significationem librantur, & per singulas pene uoces mysteria noua concitantur. Lego Deum & *ut* hominem humana tractare, quid ni legam? quando humanam speciem non exhorruit tanta illa maiestas, sed inter mortales, ut unus ex illis, uersatus est. etenim iam antea psallendo prædixerat Propheta. Videbitur Deus Deorum in Sion. De hac eius loquela loquens Apostolus Paulus initio epistolæ ad Hebræos, Multifariam, inquit, multisq; modis olim Deus loquens Patribus in Prophetis, nouissime istis diebus locutus est nobis in filio, quem constituit hæredem uniuersorum, per quem fecit & sæcula. Quid enim nunc? cum mihi campus prosteratur, in quo effundere se & iactare

factare possit oratio, illam coarctamus. Iuvat enim commemorare, quæ & quanta humanæ iunctus naturæ Deus egerit, tractauerit, perfecerit: ut minus uideatur mirum, si ad effigiem futurorum locutus quippiam dicatur. Ardens nanque caritate nostri cælestis Pater, cupiens humanum genus saluum facere, & eximere à peccatis, filium delegauit huic muneri, qui descēdens ex tanta illa arce, humanamq; suscipiens carnem, os aperire suum, uerbaq; diuina humanis auribus infundere dignatus est, mandata uitæ edidit, immortalitatis iter docuit, regna cælorum descripsit. Antea cōtactu sacri spiritus, & illapsu per homines, tunc ad ueritatem plane Deus in homine loquebatur. Hæc est excellens illa diuini oris locutio, qua maior alia nec dici, nec cogitari potest. At non sermonibus solum profuit, sed miris quoque operibus: non est passus indecores esse illos, inter quos uixit, quibus opem cælestis dextra ferebat. nam membrorum uitia corrigere, usus restituere, sensus oculorum, linguæ, aurium aperire, ualetudinem ægrotantibus instaurare solebat. Illius uim & numen Dæmonia de corporibus excussa trepidabant, multiq; mortales eundem sæpius luce functis decursam uitam resignasse uiderunt. quid multa hominum millia paucis panibus & pisciculis semel & iterum saturare? quid naufragia eripere? uim sæuientium uentorum quatere? siccis uestigiis aquarum fluentia deambulare? quæ omnia in humanis degens faciebat, ut Dominus naturæ, non petendo illa ab alio, sed propria utens potestate. qua ex re certissimum diuinitatis suæ præ-

F buit

buit argumentum . nam nemini hominum nato contingere id , ac ne conferri quidem potest , ut ui sua nixus miracula edat . Deus igitur , assumpto homine , propriis (ut sic dicam) auspiciis tanta illa gerebat . nec id fuit satis , nam singulare humilitatis & patiētiae exemplar intulit , dum fœdari incestis hominum manibus sustinuit , crudelissimēq; uexari , cōprehensus ut imbecillis , adductus ad iudicium ut reus , damnatus ut nocens , illusus ut uilis , laceratus ut hostis : uerbera , plagas , cruciatus , mortem salutis nostræ causa ferre uoluit , tulit . Ille rerum conditor , ille hominum & Angelorum creator , nudatus in cruce distentusq; iacuit , ternis clauis confixus , spinea corona ualatus , istisq; clarissimis caritatis insignibus decoratur . Ille ille inquam est Deus inuisibilis quondam , nunc carne inductus , qui in crucem sublatus est , qui uulnerum fœditate , qui sparso cruore , qui durissimo supplicio infirmitatem nostram abluuit ac redemit . Idem , ut dies aduenit tertius , surrexit è tumulo , mortisq; , quam pro cūctis sustinuerat , uictor , paternos ultro remigrauit ad cœlos , æternæq; uitæ claustra mortalibus reserauit , & , quamuis pauci uiuentis uestigia sectati , cunctas tamen terras , cuncta maria , atque etiam ultimos telluris sinus Euangelicus sonus breui peragrauit . Hæc Deus humanis circumfusus membris gessit & pertulit , gessit nanque diuina , pertulit humana . Hæc sunt etiam illa , quæ paulo ante dicebam Deū de se per homines quondam sacro afflatus spiritu prælocutum . Deus antea uoluit uerbum suum in ore Prophetarum resonare : tandem uenit ipsum uerbum ,

uerbum, humanam assumens carnem, quod & gestis & uoce increpuit tam magnum, ut breui totum terrarum orbem peruaserit. Si magnum uideatur, quod Deus cum antiquæ legis patribus occulto illo suo more locutus est: maius adhuc uideatur, quod his ultimus temporibus corporaliter & patenter per se ipsum locutus fuerit, multa etiam gesserit: & tanto id maius uideatur, quanto solet res ipsa imagini anteferri. nam uetera illa uelut imago & umbra horum fuerunt: præmisit Dominus, ut illo dignum fuit, multos gestorum suorum præcones, & prælosores. Etenim incarnatio eius, siue humanatio, (utendum est enim in re noua nouo uocabulo) ortus, actiones, miracula, ita sermonibus prænunciata, ac rerum imaginibus signata, illud etiam infandæ necis trophæum, quo peccata nostra luctusq; hausit, ita depictum, ut quæ multis post sæculis cōtingere erat necesse, uiderentur illi uiri tanquam præsentia spectasse, & ad illud exemplar cuncta disposuisse. Tum uero illud, Deum in carne uenturum, & non de superiori loco, sed de plano hominibus hominem locuturum, multaq; in homine gesturū, uel eo maxime præsignificari uidetur, quod tum humano more humanis affectibus pertractare cuncta dicatur: non enim renuit, quin de eo ut homine homines loquerentur, qui hominum ipsorum causa humanā suscipere naturam cupiebat. Mirum uidetur, quod Deus ad homines uerba fecerit, & ore ad os edocuerit, quemadmodum magister discipulos solet. hoc, quod tam mirum est, nostri causa suscepit, quod prophetico quoque

testimonio, sicut cetera, indicatur. agre nanque ferrem, si de hac Dei locutione, de qua institutus est sermo, non possem ostendere aliquid prænunciatum. Esaias igitur trigesimo capite sui libri Iudæis, quod habituri essent doctorem perpetuum, ita ut uideretur ab eis, & audiretur, prædixit, Hunc locum non modo nostri, sed ueteres Hebræorum magistri de Christo, quem illi Messiam uocant, exponunt, id est de eo, qui ex utroque genere diuino & humano constaret: nam si de puro homine loqueretur, quid mirum esset, si talis doctor oculis & auribus astantium sentiretur? Vaginatus igitur Esaias quod Deus aliquando in homine proprio ore Doctoris fungeretur officio, clare illum cunctis uidentibus & audientibus, neque cessaret ab hoc docendi munere. ipsius nanque doctrina perpetua est, ipse in Euangelio dixit se fore nobiscum omnibus diebus ad consumptionem usque sæculi. Sed quid profuit, Deum olim præsentem spiritu, mox corpore illa locutum, si hos ipsos diuinos negligimus sermones? si maximis præmiis ac pollicitationibus allekti ad sanctæ caritatis obsequia, ad omne iustitiæ opus, (o nos miseros, stultasq; nostras cogitationes) caduca fortunæ bonæ affectamus? sæculiq; fluxam auram tota mente contrectamus? quin uana sectamur potius formarum munera, turpissimis circumfluentium uoluptatum illecebris irretiti, quàm laxantem immortalitatis sinum, & ad sua præmia uocantem Deum audiamus. Dici uix potest, quantum diuinis debeamus sermonibus, quibus se ipsum patefecit Deus, & quid uellet ostendit.

dit. De mundani operis fabrica innotuit quidem, sed uix, sed paucis, sed minus plene: uilius etiam hoc mundanum opus, quod uarias agitationes patitur, & mutationes, quod aliquando soluetur: at immutabile & inextinguibile Dei uerbum, quicquid promissit, dabit. promissit autem maxima & ingentia dona supra omnem humanum cogitatum. dulce hoc: illud triste, quod, quicquid minatur peccantibus, etiam dabit: minatur autem æterna incendia. Videndum ergo ut hæc efugiamus, & altera assequamur. Nouit ille bonis pariter & malis uti bene, quoniam utrisque quod debetur persoluet, bonis scilicet præmium, malis supplicium. mauult tamen se potius ad liberalitatis & clementiæ partes adiungere, quam ultionem de peccatoribus exercere. Hic esset locus hortandi pluribus ad obseruantiam diuinorum mandatorum, neque id me latet. ueruntamen suspectam habeo imbecillitatē uirium mearum, ideo hanc sarcinam libenter relinquo. Mouet me illud etiam, quod non ad inconditam multitudinem, sed ad delectum amicorum cœtum uerba facio, cui nihil opus est his uerborum calcaribus: admoneri satis est. Vellem tamen ut hortationem hanc eloquentissimus aliquis susceperet, cui firmissimum opto pectus, & ferream uocem. Hunc tanquam de specula concionantē cunctos mortales, qui undique globo terræ circūfunduntur, audire cuperem, atque adeo audire, ut ingemiscerent de peccatis, salutemq; suam aliquando respicerent, & curarent in posterum magis loquelæ summi Dei, mandatis æterni patris obtemperare.

IN ACADEMIA VENETA,

M. D. LVIII.





22 古詩八首
（一）
（二）
（三）
（四）
（五）
（六）
（七）
（八）

